



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

Broj: 01/14-11-6321-4/24
Sarajevo, 17.09.2024. godine

Informacija o Pregovaračkom postupku bez objave obavještenja o nabavci

U skladu sa članom 28. stav (4) Zakona o javnim nabavkama BiH („Službeni glasnik BiH“ broj: 39/14, 59/22 i 50/24) Grad Sarajevo objavljuje informaciju, a shodno članu 24. tačka a) Zakona o javnim nabavkama BiH da provodi pregovarački postupak bez objave obavještenja o nabavci za izvođenje dodatnih radova za rekonstrukciju vrtića „Kolibri“.

Grad Sarajevo zaključio je Ugovor o izvođenju radova na rekonstrukciji vrtića „Kolibri“ broj: 01/14-11-7235/23 od 23.04.2024. godine, Ministarstvo za odgoj i obrazovanje Kantona Sarajevo broj: 11-11-25649-7/23 od 23.04.2024. godine i Općina Novo Sarajevo broj: 09-11-4-4172/24 od 23.04.2024. godine nakon okončane procedure zajedničke javne nabavke, putem Otvorenog postupka sa pravnim licem „ITC“ Zenica d.o.o.

Stručni nadzor na izvođenjem predmetnih radova vrši Zavod za izgradnju Kantona Sarajevo. Prilikom izvođenja radova - rekonstrukcije vrtića Kolibri, uslijed nepredviđenih okolnosti, ukazala se potreba za dodatnim radovima, a koji se odnose na mašinske instalacije i ugradnju bravarske stolarije (RAL ugradnja) koji nisu bili uključeni u prvobitno zaključen ugovor, ali koji su postali neophodni za izvođenje predmetnih radova, i koji su istovremeno tehnički i ekonomski neodvojivi od zaključenog osnovnog ugovora.

Neophodnost izvođenja dodatnih radova za rekonstrukciju vrtića „Kolibri“, potvrdio je i Nadzorni organ Zavod za izgradnju Kantona Sarajevo, koji vrši stručni nadzor nad izvođenjem radova, svojim dopisom broj: 03-4-7797/24 od 15.08.2024. godine, zaprimljenim na protokol ugovornog organa dana 22.08.2024. godine kao i Arhitektonski fakultet u Sarajevu u svojstvu projektanta u dopisu broj: 05-890/1-24 od 28.08.2024. godine, zaprimljenim na protokol ugovornog organa dana 28.08.2024. godine.

Cijeneći naprijed navedeno, očigledno je da je u konkretnom slučaju neophodno provesti zakonske procedure kako bi se dogovorili radovi koji su neophodni za završetak ovog projekta, a koji se nisu mogli predvidjeti u vrijeme pokretanja predmetnog postupka javne nabavke.

Shodno odredbama člana 24. tačka a) propisano je da ugovorni organ, ugovor o javnoj nabavci radova može zaključiti nakon provedene procedure u pregovaračkom postupku bez objave obavještenja o nabavci u slučaju ugovora o javnoj nabavci radova za dodatne radove koji nisu uključeni u prvobitno razmatrani projekat ili u prvobitno zaključen ugovor, ali koji uslijed nepredviđenih okolnosti, postanu neophodni za izvršenje ili izvođenje u njima opisanih radova, i kada se takvi dodatni radovi ne mogu, tehnički ili ekonomski, odvojiti od osnovnog ugovora bez većih nepogodnosti za ugovorni organ.

Takav ugovor može se zaključiti s izvođačem kojem je dodijeljen osnovni ugovor, a ukupna vrijednost ugovora dodijeljenih za dodatne radove ne može preći iznos od 20% od vrijednosti osnovnog ugovora.

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



Imajući u vidu sve naprijed navedeno, ugovorni organ provodi proceduru zajedničke javne nabavke putem pregovaračkog postupka bez objave obavještenja o nabavci sa izvođačem radova sa kojim je zaključen osnovni ugovor.

U cilju zadovoljenja konkurentnosti, zainteresirani ponuđači mogu preuzeti tendersku dokumentaciju za predmetni postupak, koja će biti postavljena na službenoj web stranici Grada Sarajeva.

Pozivi za dostavljanje zahtjeva za učešće, početne ponude i konačne ponude bit će objavljeni na web stranici ugovornog organa, i bit će dostupni svim zainteresovanim ponuđačima.

Gradonačelnica

Prof. dr. Benjamina Karić